




Llywodraeth Cymru  
Welsh Government

[www.cymru.gov.uk](http://www.cymru.gov.uk)

# Egwyddorion cymhwyster TAG UG a Safon Uwch

Awst 2014



## Gwybodaeth

Dogfen wybodaeth rhif: 148/2014

Dyddiad cyhoeddi: Awst 2014

Yn disodli dogfen wybodaeth rhif: 142/2014

# Egwyddorion cymhwyster TAG UG a Safon Uwch

- Cynulleidfa** Sefydliadau dyfarnu a'r rhai sy'n darparu cymwysterau TAG UG a Safon Uwch yng Nghymru.
- Trosolwg** Mae'r ddogfen hon yn pennu'r egwyddorion cyffredinol ar gyfer yr holl gymwysterau TAG UG a Safon Uwch a ddatblygwyd i'w dysgu yng Nghymru o Fedi 2015 ymlaen.
- Camau i'w cymryd** Rhaid i'r sefydliadau dyfarnu sicrhau bod pob TAG UG a Safon Uwch a ddatblygir i'w ddefnyddio yng Nghymru yn cwrdd â'r egwyddorion cyffredinol hyn.
- Rhagor o wybodaeth** Dylid cyfeirio ymholiadau am y ddogfen hon at:  
Yr Is-adran Cymwysterau a Rheoleiddio  
Yr Adran Addysg a Sgiliau  
Llywodraeth Cymru  
Tŷ'r Afon  
Heol Bedwas  
Bedwas  
Caerffili  
CF83 8WT  
Ffôn: 01443 663725  
e-bost: [QualsReform@cymru.gsi.gov.uk](mailto:QualsReform@cymru.gsi.gov.uk)
- Copïau ychwanegol** Mae'r ddogfen hon ar gael o wefan Cymwysterau Cymru yn [www.cymwysteraucymru.org/ug-a-safon-uwch-amserlen-diwygio/](http://www.cymwysteraucymru.org/ug-a-safon-uwch-amserlen-diwygio/)

# Cynnwys

|                   |          |
|-------------------|----------|
| <b>Cyflwyniad</b> | <b>2</b> |
| <b>Cynnwys</b>    | <b>3</b> |
| Teitlau           | 3        |
| Deunydd pwnc      | 3        |
| Asesu             | 4        |
| Adrodd            | 5        |

## Cyflwyniad

1. Mae'r egwyddorion cymhwyster hyn yn nodi'r gofynion ar gyfer yr holl fanylebau TAG UG a Safon Uwch newydd a diwygiedig sydd wedi'u datblygu i'w haddysgu yng Nghymru o fis Medi 2015.
2. Mae'r egwyddorion hyn yn darparu'r fframwaith a'r meini prawf y mae sefydliad neu sefydliadau dyfarnu yn datblygu pob manyleb TAG UG a Safon Uwch i'w chyflwyno er mwyn ei hachredu yng Nghymru yn unol â nhw.

# Cynnwys

## Teitlau

3. Mae'n rhaid i deitlau cymwysterau TAG UG a Safon Uwch:
  - 3.1 ddefnyddio'r geiriau 'TAG UG' neu 'TAG Safon Uwch' ar gyfer dyfarniadau sengl
  - 3.2 defnyddio'r geiriau 'TAG UG (dyfarniad dwbl)' neu 'TAG Safon Uwch (dyfarniad dwbl)' os yw'n cyfateb i ddau gymhwyster UG neu Safon Uwch ar wahân.

## Deunydd pwnc

4. Rhaid i'r deunydd pwnc a amlinellir yn y manylebau ar gyfer cymwysterau TAG UG a Safon Uwch, lle y bo'n briodol, ddatblygu'r sgiliau sy'n cael eu hasesu drwy Graidd Bagloriaeth Cymru:
  - Llythrennedd
  - Rhifedd
  - Llythrennedd Ddigidol
  - Meddwl yn Feirniadol a Datrys Problemau
  - Cynllunio a Threfnu
  - Creadigrwydd ac Arloesi
  - Effeithiolrwydd Personol.
5. Mae'n rhaid i gymwysterau UG:
  - 5.1 ddarparu cydbwysedd priodol o wybodaeth, sgiliau a dealltwriaeth i gyfateb i flwyddyn gyntaf cwrs astudio Safon Uwch llawn
  - 5.2 cynnwys cyfanswm pwysoli o 40 y cant o'r Safon Uwch
  - 5.3 o ran manylebau dyfarniad dwbl, cynnwys cyfanswm pwysoli o 40 y cant o ddyfarniad dwbl Safon Uwch
  - 5.4 cynnwys persbectif Cymreig lle y bo'n briodol
  - 5.5 sicrhau dilyniant addas o'r rhaglen astudio berthnasol yng Nghyfnod Allweddol 4
  - 5.6 sicrhau bod dysgwyr sy'n cyflawni'r cymhwyster wedi'u paratoi'n effeithiol ar gyfer symud ymlaen i unedau gwaith U2 yn yr un pwnc

- 5.7 paratoi dysgwyr yn effeithiol ar gyfer astudiaethau yn y dyfodol a'r byd gwaith
  - 5.8 sicrhau bod gofynion y cymhwyster yr un fath yn fras â gofynion cymwysterau TAG UG eraill yng Nghymru.
6. Rhaid i unedau U2 a gyfunir ag unedau UG er mwyn arwain at ddyfarnu Safon Uwch lawn:
- 6.1 ddarparu cydbwysedd priodol o wybodaeth, sgiliau a dealltwriaeth i sicrhau dilyniant o astudiaethau UG
  - 6.2 cynnwys cyfanswm pwysoli o 60 y cant o'r cymhwyster Safon Uwch
  - 6.3 o ran manylebau dyfarniad dwbl, cynnwys cyfanswm pwysoli o 60 y cant o'r cymhwyster dyfarniad dwbl Safon Uwch
  - 6.4 cynnwys persbectif Cymreig lle y bo'n briodol
  - 6.5 cynnwys elfen gref o ddysgu synoptig yng nghynnwys y cwrs
  - 6.6 sicrhau bod gofynion y cymhwyster yr un fath yn fras â gofynion cymwysterau TAG Safon Uwch eraill yng Nghymru
  - 6.7 paratoi dysgwyr yn effeithiol ar gyfer astudiaethau yn y dyfodol a'r byd gwaith.

## **Asesu**

7. Mae'n rhaid i'r trefniadau asesu ar gyfer cymwysterau TAG UG a Safon Uwch:
- 7.1 gynnig y cyfle i ymgeiswyr gael eu hasesu ar ddiwedd y cwrs UG a'r cwrs U2, ond dim ond yn ystod cyfnod asesu'r haf
  - 7.2 peidio â mynd y tu hwnt i'r isafswm amser arholi ar gyfer asesiadau allanol fel rheol, sef tair awr ar gyfer UG a phedair awr ar gyfer U2
  - 7.3 nodi'r gydberthynas rhwng yr amcanion asesu a'r unedau asesu
  - 7.4 dangos cyfran y marciau a bennir i bob amcan asesu (neu grŵp o amcanion asesu) ac i bob uned asesu

- 7.5 datgan yn glir a fydd amcan asesu yn cynnwys asesu cyfathrebu ysgrifenedig
- 7.6 cynnwys digon o waith asesu synoptig U2 i brofi dealltwriaeth yr ymgeiswyr o'r cysylltiadau rhwng elfennau gwahanol y pwnc a'u dealltwriaeth gyfannol o'r pwnc
- 7.7 cynnwys cwestiynau sy'n rhoi cyfleoedd i ymgeiswyr ennill marciau drwy ddangos eu gallu i:
  - (i) integreiddio a chymhwyso eu gwybodaeth, eu dealltwriaeth a'u sgiliau ar draws agweddau gwahanol ar y pwnc
  - (ii) llunio ymateb sy'n datblygu llinell resymu gynaledig, sy'n gydlynol, yn berthnasol, yn gynhwysfawr ac wedi ei strwythuro'n rhesymegol
- 7.8 sicrhau bod cywirdeb gramadegol ymgeiswyr yn cael ei asesu pan fydd yn ofynnol iddynt ddarparu ymatebion ysgrifenedig estynedig
- 7.9 bod yn gymaradwy i bob ymgeisydd, hyd yn oed pan fydd unedau asesu dewisol neu gwestiynau arholi dewisol
- 7.10 caniatáu i'r ymgeiswyr ailsefyll uned asesu unwaith yn unig gyda'r canlyniad gorau yn cyfrif tuag at y cymhwyster
- 7.11 defnyddio asesiad mewnol dim ond os mai hwn yw'r dull mwyaf addas o asesu sgiliau penodol o fewn yr amcanion asesu
- 7.12 fel arfer, cynnwys dwy uned UG ac o leiaf dwy uned U2.

## Adrodd

- 8. Mae'n rhaid bod trefniadau ar gael ar gyfer graddio ac adrodd ar gymwysterau TAG UG a Safon Uwch fel bod:
  - 8.1 cyrhaeddiad sy'n ddigonol i arwain at ddyfarnu tystysgrif UG yn cael ei adrodd ar raddfa pum gradd o A i E, ac A yw'r radd uchaf
  - 8.2 cyrhaeddiad sy'n ddigonol i arwain at ddyfarnu tystysgrif Safon Uwch yn cael ei adrodd ar raddfa chwe gradd o A\* i E, ac A\* yw'r radd uchaf
  - 8.3 cyrhaeddiad sy'n annigonol i arwain at ddyfarnu tystysgrif UG neu Safon Uwch yn cael ei adrodd fel Annosbarthedig neu U

8.4 y radd ar gyfer UG dyfarniad dwbl yn cael ei chofnodi ar ffurf: AA, AB, BB, BC, CC, CD, DD, DE, EE

8.5 y radd ar gyfer Safon Uwch dyfarniad dwbl yn cael ei chofnodi ar ffurf: A\*A\*, A\*A, AA, AB, BB, BC, CC, CD, DD, DE, EE.